



YAKIN en geigarri

(PRO MANUSCRIPTO)

Otsaila 1960

## B A T A S U N B I L L A

Ona gure gizaldiaren akatsa, orrela deitzea bidezko bada. Europa'ko lalterri guziak batu bear omen dira elkarri laguntzeko, bakean bizitzeko; Ego-Amerika'k ere ba-ditu biltzeko asmo-aizeak. Eliza katolikoak ere batzar nagusi batera ots egiten digu, batasuna jomuga bezela jarrita.

Bakarreko gauzak, dirudinez, ez dute askorik balio; ezer diran gauza guztiak elkartasunean, ekipoan, egin bear dira. Batasuna gauza aundi guzientzen legea biurtu da.

Gu ere batasun orren billa gabiltz. Errebista bere xedetik aldendu gabe, jakitunok gera elkar-batu bear degunok. Esperientziak erakutsi digu, jakitunak beren ezpainetatik bota zutelako, erri xea ere euskera baztertzen asi zitzaigula, eta orain guk aintzakotzak artzen dugula ikusten badu, berak ere orrelaxe artuko du.

Danok batean egin bear dugu lan, bai praille eta apaizgaiak, bai gizartean bizi diran eskoladunak. Batasunean eta elkartasunean asi eta egiten dira gauzak.

Batere otsik atera gabe, apal-apalean, batasunean. Auxe dugu euskerak eskatzen digun batasuna: karreradunok euskaldun.

Orra YAKIN'ek guzientzat atea zabalik. Irispiderik ederrena litzake denok batean lan egitea. Gauza aundi guzientzen legea: batasuna.

**Bukatu dezagun Pujana Zeanuriko bertsolariaren bertso batekin:**

“Gure euskera maitiagaitik  
zerbait egin al dauenak  
ez itxi iñoiz urrengorako,  
Ondo jakin euskaldunak:  
Ama Euskera ilten bayaku  
danok gara errudunak,  
aundi ta txiki, guztiok baiña  
batez ere JAKITUNAK!”

## YAKIN

Norbaitek galdetu zidan, YAKIN'en urteko ordain-saria 36 laurleko ziralda, geiegi ez ote ziran 14 laurlekoak illeroko orritxo onentzako. Begira, Patxi, orritxo au kaxkarra dek, aundiagoa nai diagu, doblekoa gutxienez. Baiña amesak utzita, eskuetan dekan auxe bai al dakik zenbat kostatzen zaigun? Ara kontuak argi: bakoitzari 1,62 pezta; eta  $1,62 \times 12 = 19,44$ . Begira nun gelditzen diran gure 14 laurlekoak.

Ezin genezake, ba, illero atera. Beraz, bertan bera utzi? Ez orixe! Auxe erabaki dugu: urtean 9 aldiz (bederatzi) atera, ots, YAKIN ateratzen ez dan illetan. Onela bakoitzarena urtekoa 14,58

*irakurle guzien orria auxe. Emen izango dute tokia zure iritzi, kritika, sujerentzi ta idea eder guziak. Denon batasuna lortzeko bide bat auxe.*

*Lanak llaburrak izan bear dute. Luze badatoz edo moztu edo YAKIN'en elkarizketara bialiko ditugu.*

*Irakurle, zuk duzu itza, zure zai gaude zuk zer esango begira. Gaitezen guziok elkar zirikatzaille. Ziur gaude onela lan eder eta aundi bat egiten dugula.*

Enbeita'tar Kepa, ofm.

## BERRI TA JAKINGARRI

SARIAK JARTZEN.—YAKIN'ek bere idazleen borondate ona ikusiaz urrengo au erabakitzen du: 1) Bi sari jartzea

OARTU ONDO.—YAKIN'en 10'garren zenbakian Aita Omaetxebarriaren EUSKERA liburuaren berri eman genuen. Berrogei (40) bat laurleko kostako zala esaten zan. Baiña zerbait argitu bearrean gera. Ez dira 40 pezta, 75 baiño. Gauzak aurrez ondo jakin ezaren errua.

I'tar J. ofm.

YAKIN'ek denon laguntza bear du. Saiatu gaitezen denok iralurke berriak billatzen. Euskeraren izenean.

ateratzen da, gauzak juxtuan ordaintzeko bezela, eta ez diagu geiagorik eskatzen.

Il auetan aterako da: Otsaillean, Epaillean, Jorraillean; Garagarrillean, Uztan, Dagonillean; Urrillean, Azaroan, Abenduan. Iibeltzean, Loraillean eta Agorrean (gutxi gora-bera, Gabonetan, Pazkoetan eta Udan) YAKIN aterako da.

\* \* \*

Onarte diru kontua jorratu dugu. Ondo deritzait, ordean orri onen mami-berria ematea ere.

Azkenengo YAKIN'en adierazi genuen zertarako ateratzera giñoazen gure orritxo au; auda elkarren berri ugariago jakiteko, denok elkartuta lan egiteko. YAKIN'en

lanik ederren bientzako; 2) Lan auek teologi, filosofi edo kultura ataletakoak bear dute izan, elkarriketa ez da sartzen; 3) Sari ontan urteko iru zenbakietan idazten diran lan guztiak sartuko dira; 4) Epaia Gabonetan emango da; 5) Sariak lenengoa 300 laurleko eta 100 bigarrena izango dira; 6) Maiburua nortzuk osatuko duten garaiz esango dugu.

\* \* \*

Azkenengo YAKIN'en bialdu genuen IRITZI-BILLA ba-dator. Berri ederrak dakarzikigu. Ba-dugu gogo, berari buruz lantxo bat egiteko; ondorengo ederrak atera genezake. Baiña oraindik ba-dira erantzun ez dutenak, eta asko izan ere. Arren eskatzen dizuegu bearrezko dugun erantzun auxe. Gaur bertan egin ezazu

biarko utzi gabe, Ez izan lotsarik ez duzua irakurtzen esateko. Egia da guk eskatzen duguna. Esaten duzuna, ba, egia izan dedilla. Ar ezazu aurretik gure eskerrik onena.

Papera galdu egin bazaizu eta egiten genitun galderak aaztu, ara emen: 1) Atsegin al zaizu YAKIN? 2) Irakurtzen al duzu? 3) Dena? Atalen bat bakarrik? Zein? 4) Zergatik ez duzu irakurtzen? euskeragatik? gaiagatik? 5) Gure errebitan zer gustatzen zaizu geien? zer gutxien? 6) Zer diozu teknika ta kultura itzei buruz: euskeraz bear al ditugu, edo kanpokoak ere onartu? 7) Gustatzen al zaizu bere presentazioa? 8) Inprentaz ateratzekotan, bere formatoa aldatzea nai al zenuke? Nolakoa? txikia edo aundia? zein errebita jartzen diguzu eredu bezela? 9) Salneurriakin konforme al zera? (urteko 50 peza); 10) Zure bizibidea zein da? 11) Bai al duzu beste ezer esateko?

Edozein paperean erantzun eiguzu. Eskerrik beroenak gaurrate erantzun duten guziei. Milla esker!

\* \* \*

PARIS'TIK.—Eskutitz bat artu dugu Paris-tik jarraian dijoan berria gure aldizkarian ezarriko ote genien eskatuaz. Ez dugu ezer esan bearrik, biotzik onenakin betetzen dugu eskaritxo ori. Onatx:

"IPUI-SARIKETA". — Igazko Euskera-ren Eguna'n, Lotazillaren 3'garrenean, sariketa ontarako epea amaitu zan.

Atsegiñez beterik, Euskalerriko alde guztietatik ipuiak erruz eldu dirala jakiferazten dugu; bai ta atzerrietatik ere.

Beren lanak igorri dituztenenganako esker onez beteta gaudela adierazi nai dugu, eta bide batez, aiduruz, guziaz gure zorion-agur kartsuenak biali ere, ipui geyen-geyenak baitiran politak.

Epaikariak guztiak aztertzen ari dira eta ez zaie oso gauza erreza izango, bear dan bezela muetaka jartzea. Dana dala, epaia laister amaturik izango dalakoan

gaude, eta orduan, berealaxe, ezagunaraziko da, bai ta bere arauz sariak banatu ere.

"E. K. A." Idazkaria.

\* \* \*

"BOGA, BOGA". — Onatx Donosti'ko apaizgaiak antolatu diguten euskal-kantuxorta ederra. 175 orrialdeko liburuxka bere 83 abesti polit, eder eta oso ezagunakin. Gure erriak bere-bere dituan abesti zaar ta xamurrenak galtzen doakigulakoan gaude. Ona liburuxka dotore batean bilduak gure gazteak ikasi ditzaten, mendian gora, naiz kalean beera, nunai kanta ditzaten. Erosi eta erosiarazi liburuxka goxo au. Geroruntz beste batzuk ere argitaratuko dituzte, baiña ortarako zuen abegi ona ikusi bear. Ziur gaude ez diozutela ukatuko, Merkeago ezin: 20 peza. Euskaldun guzien eskuetan ikusi dezagula liburutxo auxe eta beren ezpaiñetan berak dakarzikin abesti bikaiñak. Eskatu Donosti'ko seminarioan Zuzenbide ontara egin zure eskabide Joxu de Etrebarria, Seminario Dioces. San Sebastian.

E'tar K. ofm.

## ANDIK, EMENDIK

SUJERENTZI BAT. — Amesa bada ere, egin dezagun biar etzi gure eskolak berpizturik agertuko zaizkigula. Irakasleak borondaterik onenakin gauzak erakusteko, ikasleak liburuak puskatzeko ere prest. Oraintxetik, ordea, somatu dezakegu uts bat: ez dugu textorik izango, Irakasle eta ikasleak trebetsu, baiña nundik ikasi ez, zer irakurririk ez. Amesa ta egia! Zergatik ez gaur bertatik asi utsune ori betetzen? Ona sujerentzi bat: Arantzazun aurten (adibidez jartzen dut) teologilariok De Verbo Incarnato, Mariologia... ikasten ari gera. Gure artean mordoxka bat biltzen gera eta erabaki auxe artzen dugu: bakoitzak artu dezagun gai bat, tesi bat, gauza txikia, laburra; urtean barrena ikasi eta sakondu gai ori eta azkenez euskeraz eman. Denon artean texto edo gai bat artzen badugu sail ederra egingo dugu.

Arantzazu adibide bat bezela jarri dut, ez egiten ari gernalako. Jakin nai genukena auxe da: ia jendea prest ote legoken. Teologoak eta filosofoak bear ditugu batez ere. Gauza au zuzen eramateko onela ordenatu bear: nai duten guziak (etxe bakoitzean pentsa lendabizi zer egin) ona idatzi zer autatzen duten eta berealaxe erantzungo zaie, beste inork gai ori artu duen edo ez. Lanaren kopia bat onera bialti gordetzeko. Onenak badikeke YAKIN'en argitaratzea. Lan auekin gaur-gaur ez dugu texto bat osatuko, baiña biar lan ori egin bear duanak bideak irikita izango ditu. Lan eder bat litzake. Orra ene idea, ene sujerentzia. Zuek erantzuna.

E'tar Kepa, ofm.

\* \* \*

DONOSTITIK.—Pozik jaso ditugu Donostiko apaizgaien berri batzuek. Jo ta ke diardute euskera lanean. Iñaki esan digu: "aurten, jantokian egiten ditugun itzaldiak, euskeraz egiten asi gela. Laugarren urteko teologoak 20'tik 13'k euskeraz egin dituzte. Aurrenengoak beta gutxi zutela-ta eckax-edo, baiña gero poliki, ederki... Irugarrenengoak 15'tik 12'k egin dituzte euskeraz. Auek oso gai zaillak zituzten: De Verbo Incarnato, De communicatione idiomatum in Xto... Baiña ala ta guziz ere ondo egin dituzte, ta batzu-batzu "oso ondo", arri-tuta gelditu baigiñan. Gaizki al zegok?" Inola ere ez. Eta asko pozutuzen gaitu seminariotik atera aurretik laugarrenengoak akademi edo zirkuloen bat antolatu

nai duzutela jakiteak. Gerokoen oiñarri ederra! Bejondaizuela. Eta beste berri ederrik ere ba-da, gaurko geiegi. Aurrera.

\* \* \*

DERIOTIK.—Gure Bizkai'ko seminariotik ezetorrela barririk? Ilda egoala euskera lurralde aretan? Ez orixe! Gabonetan 22 YAKIN'en irakurle barri etorri yakuzan. Eta ba-dakigu beste lan eder asko be egiten ari dirala, baiña urrengo batean eurak emongo deuskuez barri oneek. Gaur gure aldetik zorionak eta milla esker!

\* \* \*

"LAIAKETAN".—Artu dugu bigarren alea. Ez digute etxean zer egiten duten berririk ematen, baiña aski ditugu erre-bistatxo onen 60 orriak arakatzea eta bere amar lumak aztertzea, Urretxuko gure pasiotar anai gazteen artean gar-gar agiri dan euskera-miña somatzeko. Ederki eta aurrera!

\* \* \*

"ARNAS".—Ona "Laiaketan" en anai berri bat. Billaro'ko sakramentinoena bigarren au. Biak ditugu etxe barruan egiñak, etxe barrurako egiñak, barruko berri emailleak; baiña plazara ateratzeko batere bildurrik ez dutenak. Argi erakusten digute beren lana eta egin-naia. Aurrera zuek ere!

GUZIOI.—Otsaillaren 30 aurretik bialti orritxo ontarako prest daukazuten iritzi, sujerentzi, kritika... Denok bat bear dugu guziona dugun lanontan. Izan bedi gure lema: **karreradunok euskaldun!** Agur!

